

## CONSELLERÍA DE CULTURA, COMUNICACIÓN SOCIAL E TURISMO

*Orde do 4 de abril de 2005 pola que se convocan axudas a entidades sen ánimo de lucro para a adquisición de equipamento audiovisual e multimedia e para crear medios de información electrónica.*

O Decreto 8/1998, do 8 de xaneiro, polo que se desenvolve a estrutura orgánica da Consellería de Cultura, Comunicación Social e Turismo, atribúelle no seu artigo 7 á Dirección Xeral de Comunicación e Audiovisual, a dirección e coordinación das actuacións da Consellería de Cultura, Comunicación Social e Turismo en materia de telecomunicacións, audiovisual e multimedia, e todos os aspectos que poidan derivar da aplicación das novas tecnoloxías da comunicación e a información a todas as facetas da cultura e do patrimonio galego.

As actividades que desenvolven as entidades sen ánimo de lucro constitúen unha área propicia para aproveitar as vantaxes e potencialidades das novas tecnoloxías da comunicación e información polo que se require facilitarlleas a aquelas entidades que, polas funcións que realizan e a finalidade que perseguen, necesitan facer uso de ferramentas tecnolóxicas para unha mellor eficacia das súas actividades.

Por iso, preténdese continuar unha liña de subvencións que persegue como obxectivo a adquisición de equipamento audiovisual e multimedia por parte daquelas entidades sen ánimo de lucro, que se traduza en axudas para a adquisición do equipamento audiovisual e multimedia necesario para o desenvolvemento das súas actividades.

Tamén se comeza unha nova liña de axudas para entidades sen ánimo de lucro dirixida a potenciar a creación de medios de información electrónica para que esas entidades creen a súa propia páxina web en galego desde a que se faga divulgación e difusión das actividades que realizan.

Por todo isto,

### DISPOÑO:

Bases para a concesión das subvencions.

Artigo 1º.-Obxecto e partida orzamentaria.

Convócanse dúas liñas de subvención, mediante réxime de concorrencia competitiva, a entidades sen ánimo de lucro para a adquisición de equipamento audiovisual, multimedia e outros de natureza análoga necesarios para o desenvolvemento das súas actividades (modalidade A), e para crear unha páxina web en galego na internet (modalidade B).

Polo tanto, para as mencionadas axudas resérvase a cantidade de 287.564 euros que se imputarán ao crédito dispoñible na aplicación orzamentaria 10.04.361A.780 dos orzamentos xerais da Comunidade Autónoma de Galicia para o ano 2005.

Artigo 2º.-Equipamento subvencionable e/ou creación dunha páxina web en galego na internet.

1. Só para os efectos desta orde, poderán ser obxecto de axudas na modalidade A:

a) A adquisición de equipamento audiovisual, multimedia e outro de natureza análoga.

b) As adquisicións de PC, considerados como terminais interactivos e equipamentos de comunicación que permitan a conexión aos servizos da internet.

2. Só para os efectos desta orde, poderán ser obxecto de axuda na modalidade B:

a) A creación dunha páxina web en galego na internet, referida á entidade solicitante e ás actividades que desenvolve, cando os contidos da web son da responsabilidade da entidade solicitante da axuda.

A páxina web deberá estar nun dominio propio cun primeiro nivel que sexa .es ou .org.

3. O equipamento e/ou páxina web subvencionables terán como finalidade servir de ferramenta para que a entidade desenvolva axeitadamente as súas actividades, na modalidade A, ou que lle sirva para facer divulgación e difusión das actividades que realiza a entidade, na modalidade B.

4. Quedan excluídos destas axudas a instalación do equipamento e os gastos derivados do acceso e servizo da internet.

Artigo 3º.-Beneficiarios.

Poderán optar a estas subvencións as entidades sen ánimo de lucro legalmente constituídas, que persigan como finalidade a realización de actividades de carácter social, cultural e outras de interese xeral non empresarial que dispoñan dun establecemento aberto para a realización das devanditas actividades e teñan o seu domicilio social na Comunidade Autónoma de Galicia, en concellos cunha poboación de dereito igual ou inferior a 30.000 habitantes.

Aquelas entidades sen ánimo de lucro que xestionen a actividade de cineclub poderán solicitar estas axudas en todo caso.

Artigo 4º.-Motivos de exclusión.

Quedan excluídos os solicitantes que anteriormente recibisen algunha outra subvención da Consellería de Cultura, Comunicación Social e Turismo e non xustificasen o seu investimento.

Artigo 5º.-Contías.

1. Para a modalidade A:

a) A contía máxima da axuda será de ata un 65%, en termos xerais, do importe total da factura presentada, expedida pola entidade subministradora, incluíndo unicamente o valor do material subvencionable adquirido e excluindo outro tipo de gastos (IVE, transporte, etc.).

b) A axuda máxima por PC será de 500 euros.

c) En todo caso, o tope máximo da axuda concedida será de 3.000 euros por entidade solicitante.

2. Para a modalidade B:

a) A axuda máxima para crear a páxina web en galego poderá ser de 150 €.

### Artigo 6º.-Solicitudes e documentación.

1. A solicitude farase mediante instancia dirixida ao conselleiro de Cultura, Comunicación Social e Turismo, segundo o modelo que figura como anexo desta orde, e presentarase no rexistro xeral da Consellería de Cultura, Comunicación Social e Turismo ou nos rexistros das delegacións provinciais, sen prexuízo dos procedementos establecidos no artigo 38.4º da Lei 30/1992, do 26 de novembro, de réxime xurídico das administracións públicas e do procedemento administrativo común.

2.1. Coa solicitude xuntarase obrigatoriamente a seguinte documentación da entidade:

a) Fotocopia da tarxeta de identificación fiscal da entidade.

b) Acta e estatutos de constitución, con acreditación da súa inscrición no rexistro correspondente.

c) Poder suficiente do representante da entidade solicitante.

d) Declaración de todas as subvencións solicitadas ou concedidas para o mesmo fin das distintas administracións públicas.

e) Declaración do número de membros da entidade.

f) Declaración responsable de que se atopa ao corrente nas súas obrigas tributarias estatais e autonómicas e coa Seguridade Social, así como que non ten pendente de pagamento ningunha outra débeda, por ningún concepto, coa administración pública da comunidade autónoma.

2.2. Para o caso de solicitar axuda por equipamento audiovisual e multimedia, modalidade A, xuntarase ademais:

a) Memoria detallada do equipamento así como o orzamento desagregado deste para o que se solicita a subvención.

b) Plan de actividades que se vai desenvolver co equipamento para o que se solicita a axuda.

c) Orzamento do exercicio corrente e balance de situación da entidade, sen incluír as partidas das actuacións subvencionables tramitadas.

2.3. Para o caso de solicitar axuda para a creación de páxina web en galego, modalidade B, xuntarase ademais:

a) Acordo social da entidade de creación da páxina web en galego.

b) Declaración responsable da titularidade da páxina web da entidade solicitante e tamén dos contidos da páxina web.

c) Sinalar a URL da páxina web, que deberá estar nun dominio propio cun primeiro nivel que sexa .es ou .org.

d) Plan de actividades que posúe a entidade.

### Artigo 7º.-Prazo de presentación de solicitudes.

As solicitudes deberán presentarse, segundo os modelos que figuran nos anexos, no prazo de corenta días naturais contados a partir do día seguinte ao da publicación desta orde no *Diario Oficial de Galicia*.

### Artigo 8º.-Tramitación.

Os servizos competentes da Dirección Xeral de Comunicación e Audiovisual tramitarán as solicitudes e instrumentarán os procedementos necesarios para a concesión da subvención.

### Artigo 9º.-Órgano colexiado e órgano instrutor.

A proposta de concesión formularáselle ao conselleiro de Cultura, Comunicación Social e Turismo por un órgano colexiado, a través do director xeral de Comunicación e Audiovisual, que é o órgano instrutor.

O referido órgano colexiado terá a seguinte composición:

-Un subdirector xeral.

-Un xefe de servizo.

-Un xefe de servizo, técnico na materia.

-Un funcionario desta dirección xeral, que fará de secretario.

### Artigo 10º.-Criterios de valoración.

O órgano colexiado do artigo 9º valorará as solicitudes de acordo cos seguintes criterios:

-Dimensión e ámbito de actuación da entidade solicitante.

-Que a entidade sen ánimo de lucro teña como finalidade o fomento dos valores e da identidade cultural e social de Galicia.

-Plan de actividades de carácter social, cultural, formativo e outras de interese xeral.

-Situación nas zonas xeográficas de desenvolvemento tecnolóxico desfavorecido.

### Artigo 11º.-Proposta e resolución.

Á vista da proposta formulada polo órgano instrutor, o conselleiro de Cultura, Comunicación Social e Turismo resolverá dentro das disponibilidades orzamentarias. Para os efectos establecidos no artigo 42.2º da Lei 30/1992, do 26 de novembro, de réxime xurídico das administracións públicas e do procedemento administrativo común, o prazo máximo para resolver as solicitudes correspondentes ás accións especificadas nesta orde será de cinco meses, contados a partir do día seguinte ao da publicación desta convocatoria. De non notificarse resolución favorable neste prazo, entenderase desestimada a petición correspondente, podendo interpoñer, con carácter potestativo, recurso de reposición ante o conselleiro de Cultura, Comunicación Social e Turismo no prazo dun mes, logo do recurso contencioso-administrativo ante o Tribunal Superior de Xustiza de Galicia.

Toda alteración das condicións tidas en conta para a concesión da subvención e, en todo caso, a obtención concorrente de subvencións ou axudas outorgadas por outras administracións ou entes públicos ou privados, nacionais ou internacionais, poderá dar lugar á modificación da resolución da concesión.

Artigo 12º.-Notificación da resolución de concesión.

Notificada a resolución de subvención, os beneficiarios deberán manifestar por escrito a súa acep-

tación, comprometéndose a executar o proxecto subvencionado no prazo e condicións establecidas, empregando para ese trámite o modelo que figura como anexo III. De non recibirse a aceptación no prazo de dez días naturais entenderase que o beneficiario renuncia á subvención concedida e procederase, sen máis trámite, ao arquivo do expediente.

#### Artigo 13º.-Pagamentos e xustificación.

Os beneficiarios da subvención quedarán obrigados a xustificar, en todo caso, antes do 20 de outubro do ano 2005, o pagamento da totalidade do investimento realizado, xuntando a seguinte documentación (un orixinal e unha copia):

1. Para xustificar a adquisición de equipamento (modalidade A).

a) Factura do equipamento adquirido e xustificación do seu pagamento.

b) Unha nova declaración de axudas e subvencións solicitadas ou concedidas para o mesmo fin das distintas administracións públicas, organismos ou entidades públicas ou privadas.

c) Certificación expedida pola entidade bancaria en que sinale o número completo da conta que posúa o beneficiario onde se deba realizar o pagamento.

2. Para xustificar a creación de páxina web en galego (modalidade B).

a) Indicar expresamente a URL da páxina web creada, que deberá residir nun dominio propio cun primeiro nivel que debe ser .es ou .org.

b) Unha nova declaración de axudas e subvencións solicitadas ou concedidas para o mesmo fin das distintas administracións públicas, organismos ou entidades públicas ou privadas.

c) Certificación expedida pola entidade bancaria en que sinale o número completo da conta que posúa o beneficiario onde se deba realizar o pagamento.

A entidade beneficiaria pola axuda para crear unha páxina web en galego deberá incluír na propia páxina a referencia seguinte: «esta páxina web en galego tivo unha axuda outorgada pola Consellería de Cultura, Comunicación Social e Turismo da Xunta de Galicia» (coa súa imaxe corporativa).

A Dirección Xeral de Comunicación e Audiovisual, con carácter previo ao pagamento, verificará que o contido da páxina web en galego é adecuado para a difusión e divulgación das actividades que realiza a entidade beneficiaria da axuda.

Para proceder a calquera pagamento superior aos 1.500 euros, os beneficiarios deberán presentar certificacións acreditativas do cumprimento das obrigas tributarias estatais e coa Seguridade Social e de non ter pendente de pagamento ningunha débeda, por ningún concepto, coa Administración pública da Comunidade Autónoma de Galicia, segundo o disposto no artigo 41.1º g) da Lei 13/2004, do 29 de decembro, de orzamentos xerais da Comunidade Autónoma de Galicia para o 2005 e no artigo 78.4º do texto refundido da Lei de réxime financeiro e orzamentario aprobado polo Decreto legislativo

1/1999, do 7 de outubro. As ditas certificacións serán expedidas para efectos de subvención.

#### Artigo 14º.-Obrigas do beneficiario.

Os beneficiarios das subvencións, una vez aceptadas estas, quedarán obrigados a destinar os fondos percibidos para o obxecto concreto para o que foron concedidos. A Consellería de Cultura, Comunicación Social e Turismo poderá realizar as oportunas comprobacións para o mellor coñecemento da efectiva realización do proxecto obxecto de axuda.

De igual maneira o beneficiario estará obrigado a facilitar toda a información que lle sexa requirida pola Intervención Xeral da Comunidade Autónoma, o Tribunal de Contas e o Consello de Contas, no exercicio das súas funcións de fiscalización e control do destino das axudas.

Para o caso de axudas ou subvencións outorgadas co mesmo obxecto, o importe das subvencións concedidas, en ningún caso poderá ser de tal contía que, illadamente ou en concorrencia coas concedidas a través doutras administracións públicas, supere o 100% do custo total da actividade subvencionada que deberá desenvolver o beneficiario.

#### Artigo 15º.-Perda da subvención.

O incumprimento por parte do beneficiario de calquera requisito desta orde facultará a Consellería de Cultura, Comunicación Social e Turismo para instruír expediente sancionador, conforme o previsto no artigo 79 do texto refundido da Lei de réxime financeiro e orzamentario, aprobado polo Decreto legislativo 1/1999, do 7 de outubro, e na Lei de réxime xurídico das administracións públicas e do procedemento administrativo común; se procede, anulará os beneficios concedidos e solicitará a devolución das cantidades percibidas, se as houber, segundo o procedemento que establece o Regulamento xeral de recadación.

#### Artigo 16º.-Resolución.

Contra os devanditos actos resolutivos, que esgotan a vía administrativa, poderá o interesado interpoñer recurso contencioso-administrativo perante o Tribunal Superior de Xustiza de Galicia, no prazo de dous meses, contados desde a recepción da notificación da resolución ou, potestativamente, interpoñer no prazo dun mes desde a recepción da resolución, recurso de reposición ante o conselleiro de Cultura, Comunicación Social e Turismo.

#### *Disposicións derradeiras*

Primeira.-Facúltase o director xeral de Comunicación e Audiovisual para ditar, no ámbito das súas competencias, as resolucións precisas para o desenvolvemento desta orde.

Segunda.-Esta orde entrará en vigor o día seguinte ao da súa publicación no *Diario Oficial de Galicia*.

Santiago de Compostela, 4 de abril de 2005.

Jesús Pérez Varela  
Conselleiro de Cultura, Comunicación  
Social e Turismo

## ANEXO I



**XUNTA DE GALICIA**  
 CONSELLERÍA DE CULTURA,  
 COMUNICACIÓN SOCIAL E TURISMO

PROCEDEMENTO <b>SUBVENCIÓNS A ENTIDADES SEN ÁNIMO DE LUCRO PARA ADQUISICIÓN DE EQUIPAMENTO AUDIOVISUAL E MULTIMEDIA</b>	CÓDIGO DO PROCEDEMENTO <b>CJ997A</b>	DOCUMENTO <b>SOLICITUDE</b>
--	---	--------------------------------

## DATOS DA ENTIDADE SOLICITANTE

ENTIDADE		CIF / NIF	
ENDEREZO		LOCALIDADE	
PROVINCIA	CÓDIGO POSTAL	TELÉFONO	FAX / CORREO ELECTRÓNICO
NÚMERO DE MEMBROS DA ENTIDADE	DATOS BANCARIOS		
ENTIDADE	OFICINA	DC	Nº DE CONTA

## E na súa representación legal:

APELIDOS	NOME	DNI	
ENDEREZO			
LOCALIDADE	PROVINCIA	CÓDIGO POSTAL	TELÉFONO
		FAX	

## DATOS DA SUBVENCIÓN SOLICITADA (MODALIDADE A)

**EXPÓN:**  
 Que considerando reunir os requisitos exixidos e con expresa aceptación de todos os termos expresados na orde correspondente, solicita unha subvención para adquisición de equipamento audiovisual e multimedia, sinalando:

FINALIDADE DO PROXECTO	
CONTÍA DO PROXECTO	CONTÍA SOLICITADA

## DOCUMENTACIÓN QUE ACHEGA O SOLICITANTE (1 COPIA), ARTIGO 6

<input type="checkbox"/>	ESTATUTOS DE CONSTITUCIÓN, ACREDITACIÓN DA SÚA INSCRICIÓN NO REXISTRO CORRESPONDENTE E CIF.
<input type="checkbox"/>	PODER SUFICIENTE DO REPRESENTANTE DA ENTIDADE SOLICITANTE.
<input type="checkbox"/>	MEMORIA DETALLADA E ORZAMENTO DESAGREGADO DO INVESTIMENTO QUE SE VAI REALIZAR.
<input type="checkbox"/>	PLAN DE ACTIVIDADES QUE SE VAI DESENVOLVER CO EQUIPAMENTO PARA O QUE SOLICITA A AXUDA.
<input type="checkbox"/>	DECLARACIÓN DE SOLICITUDES EFECTUADAS OU AXUDAS CONCEDIDAS PARA O MESMO PROXECTO, DAS DISTINTAS ADMINISTRACIÓNS PÚBLICAS.
<input type="checkbox"/>	ORZAMENTO DO EXERCICIO CORRENTE E BALANCE DA SITUACIÓN DA ENTIDADE, SEN INCLUIR AS PARTIDAS DAS ACTUACIÓNS SUBVENCIÓNAIS TRAMITADAS.
<input type="checkbox"/>	DECLARACIÓN RESPONSABLE DE QUE SE ENCONTRA AO CORRENTE NAS SÚAS OBRIGAS TRIBUTARIAS ESTATAIS E AUTONÓMICAS E DA SEGURIDADE SOCIAL, ASÍ COMO DE NON TER PENDENTE DE PAGAMENTO NINGUNHA OUTRA DÉBEDA, POR NINGÚN CONCEPTO, COA ADMINISTRACIÓN PÚBLICA DA COMUNIDADE AUTÓNOMA.

LEGISLACIÓN APLICABLE  <i>Orde do 4 de abril de 2005 pola que se convocan axudas a entidades sen ánimo de lucro para a adquisición de equipamento audiovisual e multimedia e para crear medios de información electrónica.</i>
SINATURA DO SOLICITANTE E SELO DA ENTIDADE  _____ de _____ de _____

(Para cubrir pola Administración)		NÚMERO DE EXPEDIENTE
RECIBIDO		/ /
		DATA DE ENTRADA
		/ /
REVISADO E CONFORME		DATA DE EFECTOS
		/ /
		DATA DE SAIDA
		/ /

Conseleiro de Cultura, Comunicación Social e Turismo

ANEXO II



**XUNTA DE GALICIA**  
 CONSELLERÍA DE CULTURA,  
 COMUNICACIÓN SOCIAL E TURISMO

PROCEDEMENTO <b>SUBVENCIÓNS A ENTIDADES SEN ÁNIMO DE LUCRO PARA CREAR MEDIOS DE INFORMACIÓN ELECTRÓNICA</b>	CÓDIGO DO PROCEDEMENTO <b>CJ997B</b>	DOCUMENTO <b>SOLICITUDE</b>
--	---	--------------------------------

**DATOS DA ENTIDADE SOLICITANTE**

ENTIDADE		CIF / NIF	
ENDEREZO		LOCALIDADE	
PROVINCIA	CÓDIGO POSTAL	TELÉFONO	FAX / CORREO ELECTRÓNICO
NÚMERO DE MEMBROS DA ENTIDADE	DATOS BANCARIOS		
ENTIDADE	OFICINA	DC	Nº DE CONTA

**E na súa representación legal:**

APELIDOS	NOME	DNI
ENDEREZO		
LOCALIDADE	PROVINCIA	CÓDIGO POSTAL
TELÉFONO	FAX	

**DATOS DA SUBVENCIÓN SOLICITADA (MODALIDADE B)**

**EXPÓN:**  
 Que considerando reunir os requisitos exixidos e con expresa aceptación de todos os termos expresados na orde correspondente, solicita unha subvención para as actuacións de creación de páxina web en galego, sinalando:

URL DA PÁXINA WEB CON DOMINIO PRIMARIO ES OU ORG
CONTÍA SOLICITADA (MÁX. 150€)

**DOCUMENTACIÓN QUE ACHEGA O SOLICITANTE (1 COPIA), ARTIGO 6**

- ESTATUTOS DE CONSTITUCIÓN. ACREDITACIÓN DA SÚA INSCRICIÓN NO REXISTRO CORRESPONDENTE E CIF.
- PODER SUFICIENTE DO REPRESENTANTE DA ENTIDADE SOLICITANTE.
- DECLARACIÓN RESPONSABLE DE QUE SE ENCONTRA AO CORRENTE NAS SÚAS OBRIGAS TRIBUTARIAS ESTATAIS E AUTONÓMICAS E DA SEGURIDADE SOCIAL, ASÍ COMO DE NON TER PENDENTE DE PAGAMENTO NINGUNHA OUTRA DÉBEDA. POR NINGÚN CONCEPTO, COA ADMINISTRACIÓN PÚBLICA DA COMUNIDADE AUTÓNOMA.
- ACORDO SOCIAL DA ENTIDADE DE CREACIÓN DA PÁXINA WEB EN GALEGO.
- DECLARACIÓN RESPONSABLE DE TITULARIDADE DA PÁXINA WEB DA ENTIDADE SOLICITANTE E TAMÉN DOS CONTIDOS DA PÁXINA WEB
- DECLARACIÓN DE SOLICITUDES EFECTUADAS OU AXUDAS CONCEDIDAS PARA O MESMO PROXECTO. DAS DISTINTAS ADMINISTRACIÓNS PÚBLICAS.
- PLAN DE ACTIVIDADES DA ENTIDADE.

LEXISLACIÓN APLICABLE  <i>Orde do 4 de abril de 2005 pola que se convocan axudas a entidades sen ánimo de lucro para a adquisición de equipamento audiovisual e multimedia e para crear medios de información electrónica.</i>
SINATURA DO SOLICITANTE E SELO DA ENTIDADE  _____ de de

(Para cubrir pola Administración)		NÚMERO DE EXPEDIENTE
RECIBIDO		/ /
		DATA DE ENTRADA
		/ /
		DATA DE EFECTOS
		/ /
		DATA DE SAÍDA
		/ /
REVISADO E CONFORME		

## ANEXO III

A entidade \_\_\_\_\_ con CIF nº \_\_\_\_\_,  
representada por (presidente ou secretario) \_\_\_\_\_,

respecto da convocatoria de subvencións para a adquisición de equipamento audiovisual e multimedia e para crear medios de información electrónica, convocada por Orde do \_\_\_\_\_, (DOG nº \_\_\_\_\_, do \_\_\_\_\_) recibiu a notificación da resolución do conselleiro de Cultura, Comunicación Social e Turismo, adjudicando:

- Para a modalidade A, un importe de \_\_\_\_\_ €, para a adquisición de equipamento.
- Para a modalidade B, un importe de \_\_\_\_\_ €, para a creación de páxina web en galego.

Por iso, mediante este escrito, cumpro co trámite previsto no artigo 12 da referida convocatoria ante a Consellería de Cultura, Comunicación Social e Turismo, manifesto expresamente a ACEPTACIÓN da/s devandita/s subvención/s, comprometéndome a executar o/s proxecto/s subvencionado/s no prazo e condicións establecidas.

(data e lugar)

(sinatura)

### CONSELLERÍA DE XUSTIZA, INTERIOR E ADMINISTRACIÓN LOCAL

*Orde do 1 de abril de 2005 pola que se regula o réxime de subvencións ás agrupacións de voluntarios de protección civil.*

O Decreto 56/2000, do 3 de marzo, polo que se regula a planificación, as medidas de coordinación e a actuación de voluntarios, agrupacións de voluntarios e entidades colaboradoras en materia de protección civil de Galicia, regula no artigo 72 a posibilidade de que a Xunta de Galicia poida conceder subvencións ás agrupacións de voluntarios de protección civil.

Conforme o Decreto 226/2003, do 11 de abril, mediante o que se establece a estrutura orgánica da Consellería de Xustiza, Interior e Administración Local, correspóndelle a esta consellería entre outras competencias, as de protección civil.

Esta consellería, a través da Dirección Xeral de Interior e Protección Civil, co obxecto de que as agrupacións de voluntarios de protección civil de Galicia poidan levar adiante o seu labor, regula o réxime de subvencións a estas para o ano 2005, e para tal efecto, na Lei dos orzamentos xerais da Comunidade Autónoma de Galicia para o 2005 con cargo á aplicación orzamentaria 13.03.231A.480.0 existe partida orzamentaria para as axudas que se establecen na orde, reservándose para tal efecto un crédito de 575.200 euros.

Na Lei 38/2003, do 17 de novembro, xeral de subvencións -os preceptos declarados básicos pola disposición derradeira primeira- no Decreto legislativo 1/1999, do 7 de outubro, polo que se aproba o texto refundido da Lei de réxime financeiro e orzamentario de Galicia e no Decreto 287/2000, do 21 de novembro, polo que se desenvolve o réxime de axudas e subvencións públicas da Comunidade Autónoma de Galicia, establécense os requisitos xerais ás subvencións e axudas concedidas pola Administración autonómica, normativa á que en consecuencia, se adaptará a presente orde, tendo en conta, en todo caso, os principios de publicidade, obxectividade e concorrência.

Na súa virtude, no uso das facultades que teño atribuídas,

#### DISPOÑO:

Artigo 1º.-Obxecto.

1. O obxecto da presente orde é establecer as bases que rexerán para a concesión de axudas e subvencións por importe de 575.200 euros ás agrupacións de voluntarios de protección civil de Galicia (AVPC), segundo recolle o artigo 72 do Decreto 56/2000, do 3 de marzo.

2. Estas axudas, compatibles entre si, son de dous tipos:

a) De carácter xeral: para todas as agrupacións de voluntarios de protección civil, ás que se destinarán ata un máximo do 90% do importe total da subvención.

b) De carácter específico: para aquelas agrupacións de voluntarios de protección civil que dispoñan de terminais remotos do Centro de Xestión de Emerxencias 112 SOS-Galicia, a través da subscrición dun protocolo de colaboración coas autoridades de protección civil, ou estean en trámite de subscrición na data de publicación desta orde, ás que se destinarán ata un máximo do 10% do importe total da subvención.

3. O montante das axudas de carácter específico que non se destine a elas, acrecentará o montante das de carácter xeral.

Artigo 2º.-Beneficiarias.

1. Poderán ser beneficiarias das subvencións de carácter xeral, ás que se refire o artigo 1º.2 a), as agrupacións de voluntarios de protección civil de Galicia legalmente constituídas, sen fins de lucro, que no día da publicación desta orde cumpran os seguintes requisitos:

a) Estar inscritas ou ter solicitada a súa inscrición no Rexistro de Agrupacións de Voluntarios de Protección Civil segundo se establece no artigo 59 e concordantes do Decreto 56/2000, do 3 de marzo.

b) Teñan dependencia co seu concello respectivo ou mancomunidade de concellos.

c) Aquelas que recibindo subvencións en anos anteriores, teñan xustificando o seu investimento e liquida-